

ILASSUTEQAAMMIK ISUMALIUTISSIISSUT

**Utoqqalinersiaqarneq pillugu Inatsisartut inatsisaata allanngortinneqarnissaa pillugu
Inatsisartut inatsisissaattut siunnersuut, aamma siusinaartumik pensionisiat pillugit
Inatsisartut inatsisaata allanngortinneqarnissaanut siunnersuut
(Utoqqalinersiaqartunut utoqqalinersiat toqqammaviusut qaffanneqarneri,
utoqqalinersiat qaffasinnerpaat qaffanneqarneri aamma ilanngaassinnginnermi
aningaasat tigummiinnagassat qaffanneqarneri)**

Isumaginninnermut, Sulisoqarnermullu Naalakkersuisumit saqqummiunneqartoq

pillugu

Ilaqtariinnermut Peqqissutsimullu Ataatsimiititaliap

siunnersuutit pingajussaaneerpeqarneranut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsus Thomassen, Inuit Ataqatigiit
Inatsisartunut ilaasortaq Eqaluk Høegh, Inuit Ataqatigiit
Inatsisartunut ilaasortaq Mala Høy Kúko, Siumut
Inatsisartunut ilaasortaq Aslak W. Jensen, Siumut
Inatsisartunut ilaasortaq Emanuel Nûko, Naleraq

UPA2022-imi majip 18.-ani aappassaaneereernerata kingorna siunnersuut ataatsimiititaliamut suliarisassanngorlugu Naleqqap kissaateqarnera naapertorlugu innersuuteqqinneqarpoq.

**1. Isumaginninnermut Sulisoqarnermullu Naalakkersuisumik ilisimatitsiffiusumik
ataatsimeeqateqarneq**

Ulloq 20.maj 2022 Isumaginninnermut Sulisoqarnermullu Naalakkersuisumik ataatsimiititaliaq ataatsimeeqateqarpoq, inatsisissatut siunnersuutit utoqqalinersialinnut sunniutissai pillugit itisiliissutaasumik nassuiaanneqarluni. Ataatsimiinnermi atortorisat ilanngussatut kakkiunneqarput.

2. Ataatsimiititaliap inassuteqaatai:

- Ataatsimiititaliami amerlanerussuteqartut Inuit Ataqaatigiinneersut Siumuminngaannersullu siunnersuutip akuerineqarnissaa inassutigaaat.
- Ataatsimiititaliami ikinnerussuteqartut Demokraatineersut Naleqqameersullu ikinnerussuteqarlutik ima oqaaseqarput:

Demokraatit ikinnerussuteqarlutik oqaaseqaataat:

Tallimangornermi maajip ulluisa 20-ani nal. 11.00 Naalakkersuisoq ilisimatitsilluni oqariartuuteqarpoq, aningaasanut inatsimmut missingiummut 2022-moortumut partiit tamarmik ilisimatinneqarsimasut utoqqalinersiallit utoqqalinersiaasa qaffannerisa kingunerisaanik ineqarnermut tapinut qanoq sunniuteqarsinnaanera pillugu. Taamatut oqariartorneq Demokraatit ilisarisinnaangilaat, tassami immikkut tamanna aaqinneqartariaqartutut isumaqaatiginninnermi piumasaqaatigigatsigu una angorusullugu, utoqqalinersiat qaffannerisugut ineqarnermut tapimut kalluaasussaajunnaartillugu, tamannalu partiinnit tamanit isumaqaatigineqarluni oqaatigineqarnikummat. Ilaqutariinnermut Peqqissutsimullu ataatsimiititaliaq kisitsisit pineqartut siusinnerusukkut ilisimatitsissutigineqarnikuunnginneri oqaatigisariaqarpoq, aatsaalli tamanna pivoq ilisimatitsissuteqarnermi naapeqatigiinnermi uani, siunnersuutip aappassaaneerinninnerup kingorna, naak ataatsimiititaliaq toqqaannartumik apeqquteqaateqarsimagaluarluni siunnersuummi aappassaanerinninnginnermi. Taamaattumik Naalakkersuisoq paatsuunganartumik ilisimatitsivoq, inatsisartutut sulinitinnut innarliisinnaasumik. Taassumap saniatigut Naalakkersuisoq ersarissumik nassuiaasinnaangilaq utoqqalinersiallit pisartagaat qanoq sunnerneqarsinnaanersut, uanilu naalakkersuisooqatigiinni pingaaruteqartutut taakkartorneqartunut utoqqarnut-, ineqarnermut,- angerlarsimaffeqanngitsunut periusissiat utoqqarnut atugassarititaasunut qanoq sunniuteqarfigisinnaaneraat. Naalakkersuisoq ilisimatitsitsilluni naapeqatiginninnermi aamma ersarissumik nassuiarsinnaangilaa qaqugu periusissiat pineqartut naammassineqarsinnaanersut, taamaallaat qinigaaffiup iluani anguniagaasoq naammassineqarnissaat, suliamillu kinguaattoortoqarnera naalakkersuinikkut nikittoqarnera tunngavilersuutigineqarluni. Oqaatigineqartunut Demokraatit isumaqarput anguniakkanik tigussaangippallaamik saqqummiussisoqartoq, taassumallu kingunerissagaa utoqqarnut atugassarititaasut iluaqutissartai qulakkeerneqarsinnaangitsut. Taamaattumik Naalakkersuisup oqariartuutaanut paatsuunganarsinnaasunut eqqortuusinnaanerinullu apeqqusiisinnaasunut isorinnilluta qingaleerusuppugut.

Naleqqap ikinnerussuteqarluni oqaaseqaataa:

Utoqqalinersiutinik qaffaanissami suliaq assut ilungersunartutut Naleqqamiit nalilerparput, tassani paasissutissat amigarluinnartut pingaartumik kisitsisit eqqarsaatigalugit tunngaviusumik isummernissamut assut amigaataammata.

Tassami ineqarnermut tapissutitut utoqqarnut tunniunneqartartut aamma millissammata ilaannut tapiissummik pisartunut. Tassami ineqarnermut tapiissutit ilanngaataasinnaasut Inatsisartuni suliarineqannginnerat pissutaalluni.

Ukiarmi qaffaanissamut aningaasaliinissaq isumaqatigiissutaammat inatsisartuni neriorsorneqarpugut ineqarnermut tapiissutitut peqqussut aaqinneqassasut.

Neriorsuutaagaluartoq Naalakkersuisunit saqqummiunneqanngimmat tamannalu ullumikkut utoqqaat utoqqalinersiutinik qaffaassutisiassaminnik namminneq akilissaavaat.

Tamannalu inunnut pingaartumik utoqqarnut pilluarnerulernissaanik neriorsorneqartunut Aataakkut Aanaalu erngutannuartik tasiolugu pilluarnerulertussaanerannik

oqariartuuteqarsimaneq eqqunngitsoq neriorsuinerlunneruvoq

akuersaaneqarsinnaanngitsoq. Tassami takuarput utoqqalinersiutinik qaaffaatissat

pilluarnerulernermik kinguneqarnaviannngitsut ilaannullu aamma malugineqarnaviaratik.

Ullut makku, qaammatillu siuliini nalaappagut, nioqqutissat inuussutissat inuuniarnikkullu atukkat annertuumik akit qaffattut. Utoqqalinersiutit suli innuttassaannut

apunneqanngitsulluunnit nioqqutissat akitsorarnerinik, ineqarnermillu tapiissummik utoqqaat

ilarpassuisa akiliinissaannut pisortat karsiinut nuunneqartussanut utoqqalinersiallit

akiliisussanngoreermata, tamanna Naleqqamiit ilungersunartutut isigalugu utoqqaat

qaffassutisiassaraluaminnik akiliisussanngortitareernerat ineqarnermut tapiissummut

pakatsissutigaarput.

Ilaatigut Naalakkersuisunik oqaatigineqarpoq utoqqalinersiutit tunngaviusumik qaffanneri

pensionisiaaniipput, tamatumalu nassataraa kisermaasuni, aamma aapparittuni tamani

utoqqalinersiuteqartut tamarmik qaffariarnermik pissarsissanerat. Tamanna oqariartuut

ersarissumik paaserusupparput ilumoornersoq. Tassami kommunit najukkat akilerartarnikkut

aallaavigissagaanni utoqqaat minus-imut inississapput akiliinerullutillu.

Taamatut oqaaseqarluta ikinnerussuteqarluni oqaaseqaat saqqummiupparput, neriorsuutit

utoqqaat appaariit isertitaat aallaavigiunnaarlugit qaffaaffigineqassasut aamma

ilumuunngitsoq Naalakkersuisoqatigiit ersarissumik oqaatigisariaqarpaat.

Naleqqamiit pakatsivugut minnerunngitsumillu aamma utoqqaat pakatsinartumik pineqarnerat assorujussuaq neriorsuinerlunnermik takutitsivigineqarnerat quarsaarnarpoq neriorsugaappummi Aataa aanaalu pilluarnerulissasut tamannalu oqaasinnaavoq timitaqanngitsoq.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap pingajussaagassanngortippaa.

Hans Peter Poulsen
Siulittaasoq

Anna Wangenheim
Siulittaasup tullia

Mikivisuk Thomassen

Eqaluk Høegh

Mala Høy Kúko

Aslak W. Jensen

Emanuel Núko